

ԿՈՎԿԱՍՅԱՆ ԲԱՐՈՄԵՏԻ 2013
ՀՐԱՀԱՆՔՆԵՐ ՀԱՐՑԱԶՐՈՒՑԱՎԱՐՆԵՐԻ ՀԱՄԱՐ

Նախքան դաշտային աշխատանքների սկսվելը յուրաքանչյուր հարցազրուցավար խմբավարներից կատանա մեկնարկային կետերի հասցեներով ընթանքային միավորների ցուցակը: Հարցազրուցավարները կատանան նաև քայլի չափը և առաջին ընտրված տնային տնտեսության համարը, որից նրանք պետք է սկսեն հաշվել տնային տնտեսությունները: Բոլոր դեպքերում, մեկնարկային կետը շինությունն է, որտեղ ընտրական տեղամասը տեղակայված էր վերջին ընտրությունների ժամանակ:

Տնային տնտեսությունների հետ բոլոր շփումները, այդ թվում կայացած հարցումը և մերժումը փաստագրվում են զրուցավարի կողմից ՀԱՐՑԱԶՐՈՒՑԱՎԱՐԻ ՁԵՎԱԹՂԹԻ ՄԵՋ: Այս ձևաթուղթը լրացնելը պարտադիր է բոլոր դեպքերում, անկախ նրանից, հարցազրույցը կայացել է, թե ոչ: Երբեք մի քեր տնային տնտեսությունը առանց այս ձևաթուղթը լրացնելու: Մշտապես փաստագրեք յուրաքանչյուր տնային տնտեսության հետ ամեն մի շփման արդյունքը, ամսաթիվը և ժամը: Խնդրում ենք հիշել, որ դուք չեք կարող այս հարցման մեջ փոխարինել ընտրված տնային տնտեսությունը: Այդ պատճառով, ամեն մի տնային տնտեսություն այցելությունների արդյունքները պետք է փաստագրվեն ՀԱՐՑԱԶՐՈՒՑԱՎԱՐԻ ՁԵՎԱԹՂԹԻ մեջ՝ 0 օգտագործելով ձևի վերջում տրված համապատասխան կոդը: Տնային տնտեսության անդամի և ընտրված հարցվողի հետ ամեն մի շփման ժամանակ խնդրում ենք ընդգծել, որ այս հարցումը անցկացվում է անկախ և ոչ պետական կազմակերպության կողմից՝ 0 միայն գիտական նպատակներով: Այն չի ֆինանսավորվում կառավարության կամ որևիցե քաղաքական կուսակցության կողմից, և յուրաքանչյուր հարցվողի գաղտնիությունը պաշտպանված է:


Արձանագրություն պատահական քայլի վերաբերյալ

Քայլի չափ: Բոլոր ընտրատեղամասերի քայլի չափը 7 է:

Մեկնարկային տնային տնտեսության համարը: Հարցազրուցավարներին տրամադրվում է յուրաքանչյուր ընտրատեղամասի մեկնարկային տնային տնտեսության համարը: Օրինակ, տրված է, որ 101005 քլաստերի 7 քայլի չափը պետք է սկսել թիվ 3-րդ տնային տնտեսությունից: Սա նշանակում է, որ հարցազրուցավարն ընտրում է նախ իր ճանապարհին հանդիպած 3-րդ տնային տնտեսությունը, իսկ դրանից հետո՝ յուրաքանչյուր յոթերորդ տնային տնտեսությունը:

Նպատակային բնակարաններ: Հաշվարկի մեջ չպետք է ներառել այն շենքերը, որոնք որպես կացարան չեն օգտագործվում: Սա նշանակում է, որ այնպիսի շենքեր, ինչպիսիք են խանութները, դպրոցները և հիվանդանոցները, չպետք է ներառել տնային տնտեսությունների վերաբերյալ հարցազրուցավարի հաշվարկի մեջ: Չբնակեցված բնակարանները նույնպես պետք է դուրս մնան տնային տնտեսությունների հաշվարկից:

- Այն շենքերի դեպքում, որոնց առաջին հարկերն օգտագործվում են գործարար նպատակներով, իսկ վերին հարկերը բնակելի են՝ գործարար նպատակներով օգտագործվող բնակարանները պարզապես պետք է բաց թողնել նույն ձևով, ինչպես չբնակեցված բնակարանների պարագայում: Ոչ թե ամբողջ շենքը պետք է բաց թողնել, այլ միայն գործարար մասերը:
- Եթե բնակելի տներով/շենքերով փողոցի երկայնքով տեղակայված ավտոտնակներ կան, ապա այդ ավտոտնակները պետք է անտեսել և հաշվի առնել միայն բնակելի տները/շենքերը:
- Եթե ոչ-բնակելի շենքերը բնակեցված են փախստականներով կամ այլ վարձակալներով, ապա այդ շենքերը պետք է համարել բնակելի:
- Եթե հարցազրուցավարը շրջապատյոտ է կատարում և անցնում է այն կացարանների կողքով, որոնք ինքն արդեն հաշվառել է, ապա այդ կացարանները չպետք է նորից հաշվառվեն (տես՝ գծապատկեր 1):



Գծապատկեր 1.


Վերևի օրինակում հարցազրուցավարը սկսել է շարժվել շրջանակի մեջ առնված տան մոտից: Նա կատարել է աջ շրջադարձեր այնքան ժամանակ, մինչև նորից հասել է մեկնարկային կետին: Մեկնարկային կետում նա շարժվել է ուղիղ դեպի առաջ (գծագրում ցույց է տրված կետագծերով): Դրանից հետո նա շարունակել է կատարել աջ շրջադարձեր, մինչև հասել է այն տեղը, որտեղ արդեն եղել է: Այնուհետև նորից ուղիղ է գնացել (ցույց է տրված հոծ գծով) և այլն:

Մեկնարկային կետ: Մեկնարկային կետը պետք է համարել վերջին ընտրությունների ժամանակ որպես ընտրատեղամասային կենտրոն օգտագործված շենքի պաշտոնական գլխավոր մուտքը:


Քայլի հիմունքները: Հարցազրուցավարները և խմբավարները նախապես միասին պետք է այցելեն ընտրատեղամասերը, քայլեն և որոշեն առաջին մի քանի տները: Խնդրահարույց վայրերում կամ գյուղերում հարցազրուցավարները պետք է կազմեն իրենց երթուղու քարտեզները, որոնք խմբավարներին կօգնեն ստուգումներ անցկացնելու:

- Հարցազրուցավարը քայլը սկսում է՝ մեջքով կանգնելով դեպի ընտրատեղամասային կենտրոնի շենքի պաշտոնական գլխավոր մուտքը: Նա շրջվում է դեպի աջ և սկսում քայլել և հաշվել այդ ուղղությամբ եղած տնային տնտեսությունները:
- Ամեն անգամ աջ շրջադարձ տեսնելով՝ հարցազրուցավարը պետք է շրջվի դեպի աջ:
- Եթե հարցազրուցավարը վերադառնում է այն կետին, որտեղ արդեն եղել է, ապա նա պետք է շարժվի ուղիղ դեպի առաջ, որից հետո դարձյալ ամեն անգամ շրջվի դեպի աջ:

Պահպանել աջ շրջադարձի սկզբունքը: Այն դեպքում, երբ փողոցների անկյունները 90 աստիճան չեն կազմում, ապա հարցազրուցավարը պետք է ընտրի ամենից աջ գտնվող շրջադարձը, որ ինքը կարող է կատարել՝ առանց քայլերը կրկնելու: Նման օրինակներ են ներկայացված ներքևի գծապատկերում: Մեկնարկային կետերը նշված են խաչերով. հարցազրուցավարը կատարում է մի շարք աջ շրջադարձեր (նշված են հոծ սլաքներով) մինչև մեկնարկային կետ վերադառնալը, որից հետո կատարում է հնարավոր առավել աջ ընկած շրջադարձը (նշված է կետագծերով): Ընդ որում նշանակություն չունի՝ դա կլինի հարթ սաֆալտապատ փողոց, թե արահետ և այլն. եթե տեղացիները քայլում են այդ տեղերով, ուրեմն հարցազրուցավարը նույնպես պետք է քայլի նույն տեղերով:




Փակուղիներ: Եթե ճանապարհը տանում է փակուղի, ապա հարցազրուցավարը շրջվում է դեպի ձախ և շարունակում է իր ընթացքը: Այնուհետև նա շարունակում է կատարել աջ շրջադարձեր: Փակուղի են համարվում այն բոլոր դեպքերը, երբ հարցազրուցավարը չի կարող քայլելով առաջ գնալ՝ շինարարական աշխատանքների կամ որևիցե այլ պատճառով: Փակուղիներ են համարվում նաև ընտրատեղամասի ակնհայտ սահմանները, ինչպես օրինակ՝ գյուղի ծայրամասը: Երբ հարցազրուցավարը տեսնում է, որ արդեն ընտրատեղամասի ծայրամասում է, ապա նա այդ ծայրամասը պետք է համարի փակուղի:



Վերոնշյալ օրինակում հարցազրուցավարը մեկնարկել է կարմիր գույնով նշված շենքից և աջ շրջադարձ կատարելով՝ առաջ է գնացել, մինչև հանդիպել է փակուղու (որը նշված է X նշանով): Նա շրջվել է դեպի ձախ, որից հետո նորից շարունակել աջ շրջադարձերով առաջ գնալ՝ պահպանելով աջ շրջադարձերի պրակտիկան բոլոր դեպքերում, բացի փակուղիներից:

Բազմաբնակարան շենքեր:

- Հարցազրուցավարը դեմքով կանգնում է դեպի բազմաբնակարան շենքը և ընտրում աջ կողմում տեսանելի վերջին շքամուտքը:
- Հարցազրուցավարը **ՄԻՇՏ** պետք է բարձրանա ամենավերին հարկը, կանգնի մեջքով դեպի աստիճանավանդակը և սկսի հաշվել բնակարանները՝ սկսած աստիճանավանդակից աջ գտնվող առաջին բնակարանից:
- Հարցազրուցավարը ՊԵՏՔ է բազմաբնակարան շենքից դուրս գա նույն շքամուտքով, որով ներս է մտել: Նա պետք է դուրս գա նույն տեղը, որտեղից եկել է: Եթե պահանջված քանակի տնային տնտեսություններ դեռ չեն այցելվել, ապա հարցազրուցավարը կանգնում է մեջքով դեպի շենքը և ընտրում աջ կողմում գտնվող ամենամոտ շենքը: Եթե բազմաբնակարանային շենքն ունի մեկից ավելի մուտք (մինչև 5 մուտք), ապա պետք է հարցում անել և հաշվել տվյալ շենքի **միայն** աջ ծայրում գտնվող մուտքում: Եթե շենքում 6 կամ ավել մուտքեր են, ապա ամենաաջ մուտքը մտնելուց հաշվելուց և հարցում անելուց հետո պետք է դուրս գա և մտնի 6-րդ մուտքը, հետո 11-րդը և այլն:
- Եթե հարցազրուցավարը մտնում է շքամուտք և պարզում, որ տվյալ շքամուտքը տանում է դեպի նույն բնակարանները, որտեղ ինքն արդեն եղել է, ապա անշուշտ այդ բնակարանները պետք է բաց թողնել, որպեսզի նույն բնակարանները կրկնակի հաշվառման չենթարկվեն:
- Մեկ այլ բազմաբնակարան շենք կամ մեկ այլ շքամուտք մտնելը ՉԻ ՆՇԱՆԱԿՈՒՄ, թե նորից հաշվարկը պետք է սկսել 1-ից: Այն պետք է շարունակել:



Իտալական բակեր: Իտալական բակ մտնելիս հարցազրուցավարը մտնում է բակ, շրջվում դեպի աջ և սկսում հաշվառել բնակարանները:

Մեկից ավելի տնային տնտեսությունների կողմից զբաղեցված անհատական բնակարաններ: Որոշ դեպքերում մեկից ավելի տնային տնտեսություններ զբաղեցնում են միևնույն կացարանը: Այդպիսի օրինակներ են կոմունալ բնակարանները և այն կացարանները, որտեղ փախստականների մեկից ավելի ընտանիքներ ապրում են մեկ սենյակում՝ միմյանցից անջատվելով միջնորմների օգնությամբ: Եթե հարցազրույցի համար ընտրվել է մեկից ավելի տնային տնտեսությունների զբաղեցրած կացարանը, ապա հարցազրուցավարը կատարում է հետևյալ գործողությունները. հարցնում է տնային տնտեսություններից յուրաքանչյուրի ղեկավարի ծննդյան օրը և ստացած տեղեկությունները գրանցում **Հարցազրուցավարի ձևաթղթի** մեջ: Հարցազրույցի համար ընտրվում է այն տնային տնտեսությունը, որի ղեկավարի ծննդյան օրը ժամանակային առումով ավելի վերջերս է: Մա չի նշանակում, որ հենց տնային տնտեսության ղեկավարն է անպայման հարցազրույցի ենթարկվելու, այլ նշանակում է, որ հարցազրուցավարը տվյալ տնային տնտեսությունը պետք է համարի հարցազրույցի համար ընտրված տնային տնտեսություն: Ինչպես և որևէ այլ տնային տնտեսության դեպքում, նպատակային հարցվողին ընտրելու համար հարցազրուցավարը այս դեպքում նույնպես պետք է օգտագործի Քիշի աղյուսակի մեթոդաբանությունը:

Չբնակեցված կացարաններ: Մեր նպատակը այն կացարաններն են, որտեղ մարդիկ են ապրում, և պետք է բացառել չբնակեցված կացարանները, որտեղ մեզ համար նպատակային բնակչության խմբեր չկան: Հաշվառում անցկացնելիս հարցազրուցավարը պետք է բացառի ակնհայտորեն չբնակեցված կացարանները: Եթե ընտրված տնային տնտեսությունում դռան թակոցին չեն պատասխանում,

հարցազրուցավարը պետք է խորհրդակցի հարևանների հետ և պարզի, թե արդյոք տվյալ բնակարանում բնակիչներ կան:

- Չբնակեցված բնակարանները կամ այն բնակարանները, որտեղ բնակիչները մնում են միայն շաբաթվա վերջին, ամռանը կամ արձակուրդների ժամանակ, պետք է համարել չբնակեցված: Նման դեպքում հարցազրուցավարը չի հաշվառում տվյալ կացարանը և անցնում է հաջորդին: Օրինակ, եթե քայլի չափն ընդունված է 7-ը, իսկ 7-րդ տունը բնակեցված չէ, ապա որպես հարցազրույցի համար նպատակային 7-րդ տնային տնտեսությունն ընտրվում է հաջորդ տնային տնտեսությունը: Իսկ նշված չբնակեցված տնային տնտեսությունների վերաբերյալ համապատասխան նշում է արվում միայն վերստուգման նպատակով:
- Այն կացարանները, որոնց բնակիչները այդ պահին կամ տանը չեն, կամ ուղևորության մեջ են, կամ էլ գյուղում եղած իրենց մյուս բնակարանում են և այլն, պետք է համարվեն բնակեցված: Նման դեպքում հարցազրուցավարը Հարցազրուցավարի ձևաթղթում “1-ին այցի արդյունք” բաժնում նշում է 14- “Տնային տնտեսությունը ժամանակավորապես հասանելի չէ” և պետք է մեկ ուրիշ անգամ այցելի նույն բնակարանը: Օրինակ, եթե քայլի չափը 7-ն է, իսկ 7-րդ բնակարանի բնակիչները տանը չեն, ապա այդ տնային տնտեսությունը շարունակում է մնալ որպես 7-րդ տնային տնտեսություն: Պետք է կատարել այդ տնային տնտեսությունն այցելելու երկրորդ, երրորդ փորձը, իսկ դրան հաջորդող տնային տնտեսությունը հաշվում ենք քայլ 1-ից:

Չպատասխանած: Չպատասխանածի դեպքեր են համարվում բոլոր այն դեպքերը, երբ հարցազրույցի համար ընտրվում է որևիցե տնային տնտեսություն, բայց հարցազրույց տեղի չի ունենում: Այն դեպքում, երբ տ/տ-ն առաջին այցի ժամանակ կացարանը փակ էր կամ հարցվողը չներկայացավ ինչ-ինչ պատճառներով (բացառությամբ, երբ հարցվողը հրաժարվեց մասնակցել հարցմանը), Դուք կարող եք կատարել **մինչև երեք** այցելություն՝ նախքան չպատասխանած գրանցելը: Յուրաքանչյուր այսպիսի այցելության մասին պետք է համապատասխան նշումներ կատարել **Հարցազրուցավարի ձևաթղթում**: Մինչև երեք այցելություն հարցազրուցավարը պետք է կատարի **Հարցազրուցավարի ձևաթղթում նշված՝ 5, 11, 12, 13 և 14 կետերի դեպքում**: **Եթե հարցազրույց տեղի չի ունենում այն պատճառով, որ հարցազրուցավարը երեք այցելություններից հետո այդպես էլ չի հանդիպում տնային տնտեսության հետ կամ այն պատճառով, որ թեև հանդիպում է տնային տնտեսության հետ, բայց չի հանդիպում տնային տնտեսության ընտրված անդամի հետ կամ էլ այն պատճառով, որ տնային տնտեսության ընտրված անդամը չի ցանկանում կամ չի կարողանում հարցազրույցին մասնակցել, ապա այս բոլոր դեպքերը համարվում են չպատասխանած**: Չպատասխանածի դեպքերում հարցազրուցավարը որևէ փոփոխություն չի մտցնում քայլի չափի մեջ և հարցազրույցի **համար լրացուցիչ տնային տնտեսություններ չի ընտրում**:

Ընտրատեղամասի սահմանները: Եթե հարցազրուցավարը ակնհայտորեն հասնում է ընտրատեղամասի սահմանին, ապա նա այդ սահմանը պետք է համարի “փակուղի” և հետևի պատահական քայլի հրահանգներում փակուղիների վերաբերյալ տեղեկություններին:

Տնային տնտեսությունների ընտրությունը գյուղական համայնքներում: Գյուղերում պետք է կիրառել պատահական քայլի նույն սկզբունքն, ինչ քաղաքային համայնքներում: Քանի որ գյուղերում տները երբեմն համարներ չունեն, հարցազրուցավարը պետք է քայլի մեջ ներգրավի այն տները, որոնց գլխավոր մուտքը գտնվում է զրուցավարի ճանապարհի աջ կողմում: Այն տնային տնտեսությունները, որոնք գտնվում են բլուրների վրա և բավարարում են վերը նշված չափանիշին, նույնպես ներգրավվում են քայլի մեջ: Զրուցավարը պետք է ամեն շրջադարձից աջ գնա: Եթե աջ կողմում բնակավայր չկա, զրուցավարը պետք է օգտագործի փակուղու սկզբունքը. տեղափոխվի փողոցի մյուս կողմը և ետ վերադառնա՝ հաշվելով իրենից աջ գտնվող տնային տնտեսությունները և ամեն շրջադարձից աջ գնալով՝ մինչև չընտրի տնային տնտեսությունների պահանջված քանակը: **Խնդրում ենք նկատի ունեցեք, որ տրված քայլի չափով շարժվելիս պետք է հաշվել ամեն մի տնային տնտեսությունը և ոչ թե շենքը:**

Եթե հարցազրուցավարը գյուղում հանդիպում է բազմաբնակարան շենքի, ապա նա պետք է կիրառի քաղաքային համայնքներում օգտագործված սկզբունքները, այսինքն մտնի դեմքով դեպի շենք կանգնած դիրքից ամենաաջը գտնվող մուտքից, գնա ամենավերին հարկը և շարունակի հաշվել սկսելով աջ կողմում գտնվող տնային տնտեսությունից: